



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 31. Nuntius Apostolicus e Francia excedere a Papa jussus.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul XVI.
A.C. 1583.

nitus addictum suspicaretur, ideo
quantocius misso cursore negotium de-
dit, ut hic Archipræsul, quamprimum
Regis voluntatem per hunc curforem
percepisset, illico subsisteret.

§. XXXI.

*Nuntius Apostolicus e Francia ex-
cedere a Papa iussus.*

Thu. l. 82.
Mem. pour
l'hist. de
France t. 1.
p. 194.

Jamiam Nazarethanus Archiepiscopus
Lugdunum pervenerat, magnifice
exceptus, cum eidem quidam Cursor
Regis mandata exponit, ad quæ ipse
haud parum attonitus, cum vehemen-
tioris, ac fervidæ indolis esset, hujus
jussionis indignitati succensuit, respon-
dens: „nequaquam Pontifex ejusmodi
„injuriam impune feret: ego autem al-
„tera die hinc discedere statui:„ mox
etiam datis ad Sixtum literis de novo
hoc eventu eundem certiore fecit.
Pontifex re comperta antelucano tem-
pore Pisano Marchioni significari jussit,
ut intra biduum non modo Romana ur-
be, sed ex universa etiam ditone ec-
clesiastica excederet: verum Orator
regii nominis, gallicique decoris ac-
cerrimus vindex intrepide respondit,
quod ejusmodi mandatum sibi insolitum
videatur, de cetero autem parum an-
xietur, quod non sciret, quid Pontifi-
cem ad hoc commoverit, mox vero
compo-

compositis rebus suis tempus sibi præfixum contrahere vellet, eoquod ditio Pontificia tam lata nequaquam pateret, quin intra unius diei spatium ex ea sat commode excedere posset.

Enimvero Pisanus mox urbem reliquit, Rex tamen comperto Pontificis mandato indignationem suam haud dissimulabat, sed coram omnibus exterorum Principum Legatis questus Romam hæc perscripsit: „In aliis totius Orbis „Curiis meo Legato hæc injuria non „fuisset illata, etsi ibidem bellum denuntiaffem, moderatis autem verbis „ad Papam perscripsi, priusquam ejus „Nuntio ulterius in Regnum penetrare „prohibueram, ipsumque rogabam, ut „quemdam mihi haud suspectum ad me „ablegare vellet. „ Ad hæc ita reposuit Sixtus: „priusquam a Galliarum Rege „litteras receperam, ea de re præmonui „Franciæ Oratorem, qui mihi fidem „fecerat, quod Rex suus Nazarethani „Archiepiscopi legationem ratam haberet, imo, antequam hic discederet, „eidem Oratori præsentem Cardinale „Estensi declarabatur, quod tunc, cum „Nuntius meus Rege consentiente in „Galias abiret, spe fretus existerem, „fore, ut eidem nullum obstaculum in „ipsius itinere opponeretur: si vero huic „Nuntio meo molestia fieret, Gallicus

Sæcul. XVI.
A.C. 1585.

Sæcul. XVI.
A. C. 1585.

„Orator haud ægre ferret, si & ipse
„Roma excedere juberetur, quamprimum
„de injuria meo Nuntio illata
„certior factus fuero.„ Hæc sibi a Papa
fuisse significata, haud negabat Pi-
fanus Orator, nihil tamen de hac Pon-
tificis cautela ad Regem perscripserat.
(*)

§. XXXII.

*Concordia Papam inter, & Regem
restituta.*

Ergo rem componere oportebat, quæ
propter Sixtus Horatio Oricellario,
feu Rucellario, qui corrasis ex vecti-
gali

(*) Ex hac relatione manifestum fit, quam
sæpe subdolis artibus nonnulli diffidia inter
Papam, & Principes serere soleant, ut postea
Pontifices innoxios molestare, & tanquam
ambitiosos, aut litium incentores, traducere
valeant: quid enim hac in re Pontifex am-
plius facere potuisset, quam Regis volunta-
tem per ipsius Ministrum explorare, & ubi
hunc consentire ab eo perceperat, nonne ju-
re merito læsum suum honorem pari ratione
vindicare poterat; cum autem hic Orator ex
Pontificis ore percepisset, quod ob inferen-
dam fors injuriam vicem rependere cogatur,
qua fronte spargere poterat, quod parum curet
causam explorare, ob quam Pontifex ad eum
Roma amandandum permotus fuerit?